

中國佛寺志叢刊

夏棟初



明·吳之鯨撰

武林梵志
(上)

廣陵書社

武林梵志

武林梵志，十二卷。明吴之鲸撰，眠云精舍抄本。

吴之鲸，字伯奇，明朝钱塘人，万历三十七年（1609）举人，曾官浮梁知县。

武林即今浙江省杭州市，杭州历代皆为繁华地，经济、文化、宗教发达。自南宋小王朝客都于此后，崇佛之风尤甚，此时杭州四周的寺刹以千数，庵院以十数，然而至明已经多数湮没，之鲸恐遗迹无存，无稽，乃博采乘牒，分城内、城外、南山、北山及诸属县，得寺院四百二十六所，著成此书。

全书十二卷，卷一城内梵刹；卷二、三城外南山分脉；卷四、五北山分脉；卷六外七县梵刹；卷七天朝宠锡；卷八宰官护持；卷九、十、十一古德机缘；卷十二、历朝勋绩。详细叙述创置始末及山川形胜，此志序录井然，条理清晰。是佛志中不可多得的佳作。

武林梵志

提要

臣案武林梵志十二卷明吳之鯨撰之鯨字伯齋錢塘人與吳大山稱江華二俊萬歷中舉於鄉數上春官不第謁遊得浮梁知縣卒于官是編以杭州梵剎盛於南宋至明而殘廢者多恐遺跡漸湮乃博考乘牒分城內城外南山北山及諸屬縣凡得寺院四百二十六所俱詳誌創置始末及其山川形勝後為天朝寵錫宰官護持古德機緣歷代勲績四門分紀名流勝蹟高

僧支派各編小傳序錄井然頗有條理其中採輯宋元中人詩文如仙林崇先二寺記見曹勳松隱集智果寺記見徐一夔始興集而志俱失載不免稍有漏脫又如宋張敦禮捨鐘者非杭之法雲寺而以名同誤入又撰法相寺碑記者前作范楷後作沈階亦為舛錯失檢然搜剔雖隱無微不至寶多武林遺事西湖游覽志所未載如明遠堂詩次于蘇軾詩作之後而東坡集無之張九成喻彌陀塔銘亦不見於橫浦集張伯雨大池樓詩與本集互異可以參攷遺聞軼

事俱足為設藝之資正不徒為伽藍增故實也
乾隆五十年四月校

武林梵志序

夫緣有起必有滅事有作必有止此成住壞空佛稱劫數而盛衰興廢儒亦常設也且象闕有禾黍之悲而銅蛇有荆棘之歎在持世者尚不能卜世何有於空王之寄跡物外之坐證乎然則武林梵志何以志為蓋攷古者必徵信于載牒攬勝者每蒐索乎烟霞武林山川形勝甲天下其精藍梵宇亦甲天下茲案之圖史問之耆宿存者董二三而沒者常八九矣當其盛也危棟連雲飛甍蔽日金碧輝煌丹堊炳煥緇衲於焉萃止檀越朋而信施方謂樹無遮之幢建不拔之宇矣及其衰也琳

宮鞠為茂草香臺化為荒墟或風雨之所飄摧或狐兔之所窟伏甚而豪家巨室椽成邱壘侯門仕族改作園居至月冷關黎之庭烏啼沙門之座噫嘻福兮禍所倚歲分敗所基余豈能必盛者永存亦豈能必廢者皆復第姑為之志以捨其名綴其跡使流覽者知為達人元觀則知一切殊勝若電光之過目若百鳥之過耳不必待其零落而始識為空如為騷客逸士則可以撫卷而臥將可以弔古而誇詠亦不致寶地福境竟湮沒而無傳也志則烏可以江左浮屠居士吳用先纂

武林梵志紀略

虎林梵刹之盛至南宋而極至勝國誣其十之五入我
明逆興逆廢而所存者十之二三已耳攷之譜牒郡城
內外大半為曇林香宇菴宮廟閣即清波門之聚景園
鳳山門之玉津園錢塘門之擇勝園俱綿亘數里鑿池
疊山歌壺舞榭滯雲駕霧天工人巧無所不備今悲化
為一闕之市桑麻禾黍之場矣宇內稱武林繁華蓋庶
幾彼時足以當之如目前所覩記去朴陋無多也僅僅
明聖湖其為利于地方百倍然視宋元已減其五即二
十年來又減其三豪猾侵漁漸積何已非兩高五雲際

五
梯亘岫幾無以譽眉目噫此武林梵志所必不可已者
也一以紀生齒阜繁徃哲休養培植之所由致一以紀
時代隆替觀風問俗之所必資而名賢者宿苦心拮据
千古風流不令煙滅後之視今猶今之視昔要使廢有
時興興無時廢則方伯桐城吳公亟命採輯垂之永久
意深遠矣槩為六則綴以四凡

額名

以新額為宋宋元及俗稱附

沿革

現存者新建及興復者又有寺古僧存而舊志不載

者居為主廢者附

名勝

山水之勝不能遍紀惟以梵刹為主標異蒐竒以供
卧遊

古蹟

亦有未必形勝而係舊蹟不可磨滅者正弔古之士
所憑雖小必載

人物

有地與人俱重者亦有地因人重者分綴未備詳宰
官古德中

題詠

紀山水不肖山水詠性情不合性情濫觴極矣遴採必嚴不以多貴大槩詳于古而畧于今詳於碑記而略於詩賦但有泉石賴品題以見者亦有勝會名流興到口占自足點綴寂寞不敢盡廢

以上六則不必分析標詮總載自備惟寺現存者寺廢而有可紀者大字頂書寺廢而無一可紀者類編其名于末

天朝寵錫

凡賜額賜像賜經賜紫金袈裟并近頒南北藏俱考

時代以彰隆典

宰官護持

自張子韶蘇子瞻以下或本郡人或宦遊或流寓標名紀勝皆是讚揚此佛法中金湯也

古德機緣

宗教律相傳顛末在五燈及諸家語錄者不能悉載撮其要語以紀武林栖禪顯化之盛

歷朝勲績

如武肅之鐵幢唐王潛之瘞骨荆侯之六井及西湖南湖凡關係武林極重事即不係涉梵刹而梵

剝所由存者在是綴之末行以隆博雅經濟之士
代諏訪焉

以上四凡分疏成帙或有未詳以俟增入

是集也左方伯浮渡吳公總持於上邑侯古岡喬公董
成於下而不佞鯨載牘受事削稿凡三易月凡四不購
書於市賈不寄聽於都綱潛訪潛收必遍必核故雖幽
岩僻徑不靳蒐羅亦有古剝奧區今方拈出詞尚直率
不以獼祭為工語貴傳真惟以狐筆為信垂之來禊庶
幾象教千秋列之案頭彷彿靈山一會則方伯公之垂
護遂矣惟是採遺文輯逸事近而有徵者北郊則黃貞

父汝亨。阜亭黃鶴則胡休復。允嘉無門洞兩天目。則潘
昇之。之恒城內則鐵佛寺僧慧解。山中則十八澗僧契
靈銓。次古德則南屏僧大壑。皆以助成茲媿。云萬歷壬
子九月下浣。邁士吳之鯨薰沐書。